

Oecolampa.  
Dius

1525.

LB

123629



oo. H. no













Ein gelprech etlicher predicanten  
zu Basel/ gehalten mitt etlichen  
bekennern des wider-  
tuffts.

edit. Orcolamp.  
22

1525

Ac.  
319.





# Joannes Decolampadius

allen Christenlichen lesern / gnad  
vnd frid von  
Christo.



Wlan im namen des herren / Die wil die widertöuffer sich hin vnd her beriemend / wie das sy im nechsten gespräch zwischen vns gehalten / in der lüt priestery bei S. Martin / haben erlich gesyget vnd vns geschweigt / hies rumb das mā eigentlich wyß / was bederteil dozimal für gehalten hab / wurd ich verur sacht / in gschriften inen zehelfen / damit jr lob noch wytter gebrissen vnd vßgeriefft werd / vnd es menglich sech. (Zines ouch vngeswifflet ein jeder verständiger / werds bald mercken / so nit forhin wissen treit) was geists die geschikten gfallen sein vnd wo in we ist / werde auch hiemit / vor der o phariseischen heffel sich zünerhieten / etwas gewarnet syn.

Anfenclich haben sy gott gedäckt / dz es dahin kumen / das man ein gespräch hielte / darumb sy in ganz briederlicher liebe erschein / vñ in vmb sinen geist baten. Aber doch ein beschwärd triegen / das vnser etlich / vnd züvorich / si offentlich geünnamet vnd vff der kanzel vßgeriefft / als sackten volck vñ versierisch / des vrsach sie gern hören wöten / bedunckte sy vnfruntlich inen / vnd zünil beschähen.

Daruff ich antwortet / bynach vff die maß. Ich bitt ouch gott vmb sinen geist / der vns jert vnd allzyt vff den weg der warheit richt vnd behalte. Es ist nit weniger / ich hab ein mal oder drii / offelich wid die widertöuffer gepredigt / aber noch nie wider sündelich personen / dan ich kein gekent / ouch mich hab versähen / es solt noch keiner hie sin / der sich widertöuffen hett lassen. Weiß ouch wol / dz keiner wider mich hatt züklagen / das ich jemandos sunst beleidigt habe in eincherley stuck. Dann so vil an mir / begär ich von hertzen jederman gütz / vnd niemans übel zethun

L 2, 1753



thun. Aber in dem predigen hatt mir gepürt von ampes wegen/ vor solchen schädlichen iyr salen jederman zu warnen/ würd es fürhin mer thun/ vnd das den anderē auch bitlich befälhen/ ich kan an dem ort niemands verschönē/ ouch deren die grösser sind dan ir. Ir wisend wol/wz vnß der herr durch den Ezechielem besilcht.

Nun ist iwer ler gatz ein nürw erdicht/ innerhalb zweier jar/ hierumer vnd ander schwö angefentē/ darüb argwänisch/ vnd so sy vff die prob kumpt/ so erfindt sich / daß sy stracks wid die ware lieb ist/ verspöttisch einer Christlichen gemein / gericht vff zertrennung vnd rottierung/ daß do vß dem geist gottes nit sin mag.

Oder sagēd an/ wer hats byßhär also geleert/ oder wan hatt man sollich gewöheit gehalten? Ist mir geantwortet. Ey wir hands von Apostlen / vnd die geschriffthalts also inn/ wir keren vnß nit an den buch oder gewonheit. Daruffich gesagt hab. Ich veracht die geschriffte gar nit/ will ouch mich nit der geschriffte beschirmen/ vnd sy soll mir in dem vnd andern wol vnd we thun. Aber jezmal wölt ich gern hören/ wann sollichs angefangt wär/ daß man die kinder nit soll töuffen. Dann ist der kinder töuff gerecht/ so ist der widertouff schon verworffen/ ist er aber nit lidlich/ so muß ein ander töuff sin. Ich weiß aber so vil vonden hystorien/ dz er von den Apostel zyttē nie verbottē gewesen. Augustinus bekent offenlich super Genesin lib. 8. Dzes die gewöheit der mitter der kirchen gewesen/ die kind zecöuffen. Ist ouch darvon gehandelt wordē in dem Concilio Miluetano/ in dē sant Augustin presidiert hatt/ nit daß man in zwiffel gezogen hab/ ob man die kinder töuffen dörf/ dann das hatt niemand geloulet vffertrich daz zūmal. Aber man hat die Pelagianischen ketter verdäpt/ die do leügneten die erbsünd/ vnd lieffen den kinder töuff danocht zū/ da si nit kündten wider sprechē / daß er nit wer von Apostlē her geflossen. Des wer inn ein gütter stuz gewisen/ wosy hetten künden erfinden/ daß er von den Apostlē verbottē wer. Si waren ouch hoch geleert/ als man in

*Kinder töuff.*

*Concilium Miluetanum*



iren gschriffte spur et / sy hätten es ganz nit da hinten ge-  
lassen / Aber mit dem kinder touff / ward ir kätzeri zū me-  
renteil vmgestossen.

*Concilium Garungin*  
Will man noch wytter suchē / Cyprianus ist by hundert  
jaren vnd darob gewesen vor sant Augustin / der bezüget  
in Epistola ad Fidum / ouch wie von dē kind touff geredt  
im concilio Chartagineñ: ist aber nit in ein zwofel gesetzt  
gewāsen / ob man sy möcht touffen oder nit / aber allein die  
wiletlich Judaisierte / vñ vermeintē / daß kind miest eben  
am achten tag getoufft werdē / wie der Juden kinder am  
achten tag wurden beschnitten / den begegnet daß concili-  
um mit gebürlicher vnderweisung.

Da ouch nun wol zemerken / das do etwan beschlossen /  
man soll zūm jar nit mer dan drümal touffen / nit von den  
Apostlen här geflossen / ouch nit vñ der kinder willen ges-  
schāhen / aber vil mer vñ dere willen / die vs den vnglōubis-  
gen zū den Christen kamen.

Wiltu ouch wytter hinder sich sāhen. Origenes ist by  
fünffzig jarē vor Cypriano gewāsen / der zeigt in der Ep-  
stel zū den Rōmerē klārlich an / daß von den Apostlen her  
söllich gewōheit kumen sy / Es ist sich in kein weg zūm Ori-  
genes zū ermessen / daß er darinn hab wellen fālen / so sin-  
zitt nit so gar wyt von der Apostel zytt / vnd man im die lu-  
gen wol in dz mul hätt gestossen / so er sölliche hätt dörfen  
sagē / er ist im zūdapfer vñ flüssig gewāsen / wie wol er sunst  
in vilē grōblich geirt hatt / als er mitt synē Allegorien vers-  
fiert worden.

Nun wollen jr so vil hundtrentusent / die sydhär getouffe  
in der eintheit / nit für Christlich brieder halten / wie wers  
den ir Christo sin rich so eng vñnd schmal machen. O wie  
so von vil heiliger glider trennent jr euch ab. vnd so jr ein  
nūwe seckt in fierend / in libend jr euch dē teuffel / Darumb  
sölche abtrennung weiß vnd will ich nit leren / ich hab den  
glauben vnd liebe zū leren.

Do ist mir ouch für geworffen / leredt ich doch vil ding  
wider die Rōmischen / vnd Bāpslichen bruch / die vil jar  
Gewert



gewert hād / darumb sy der bruch ouch gar nütz angieḡ /  
 si wellen vff der apostel worten blyben. Dierzū sprach ich /  
 Es ist ein ander ding mit den bāpstlichen mißbrüchen. vñ  
 dem kind touff / zū dē dz die mißbrüch wiß gschrifft / gloub  
 vñ liebe sein erfindt sich / vñ das man nit einhälltlich /  
 vñe vñe darin verwilliget hatt. Daß der Bapst ein  
 haupt der kirchen / ist alzyt von vilen widersprochen / vñ  
 man im nie an allen Christlichē orten gehorsam gewāsen.  
 Dz die priester Enit vñerlich bezügt all priester schaft in  
 kriechen vñ gegen vffgang der sunnen. Der meßhalben /  
 dz sy ein söllich opfer syḡ / wie die bāpstler darvon reden  
 ist einem jecklichē warlich gläubigen vñmöglich zūglou-  
 ben. Bild in der kilchē halten / ist nit gloubt oder angenus-  
 men an allen orten. Der klöster leben weiß man wol / daß  
 es ein menschē fund ist. Vñ also / mit der helgen fürbitt /  
 Fegfur / etc. vñ man mag sy doch mit iren eignē biechern  
 verwerffen / vñ bezügen das sy irren.

Hie aber mit dem kindertouff / hatt es ein ander gstat  
 freuenlich ein bruch zūerwerffen / der nit verbottē in der  
 gschrifft / der nit nachteilig der lieb vñnd glouben / der also  
 vñwidersprächlich gehalten / zeigt nit ein diemütigs hertz  
 an / machend jr was jr welt.

Es ward mir auch für geworffen / dz mir selzam Ceres  
 moni im kindertouff hielten / in beschwerung der teüffel /  
 eingebug des saltz / kerzen gebreng / speichel angeistung  
 vñ anders / Der selbigen sach wolt ich mich nit annemē /  
 dan ich selbs nit gar lobt / diewil ein sölicher grosser miß-  
 uerstand daruß volget / vñ ich dennacht für mich vß den  
 stucken allen / wol etwas leren möcht nützliches / aber solche  
 ding sind denn Christen fry zū mören vñ minderen / wie  
 es ouch vmb ander ceremonien.

Aber von dem touffselbs zereden / wañ man ye besähē  
 will / vñnd schon den bruch hindan setz / so ist es dennöcht  
 ouch der gschrifft gmāßer / das die apostel kind getē ufft  
 hand dan nit / haben sy doch ganz hūser getē ufft / in wels-  
 cher zal versächlich ist ouch kinder gewesen syen / Nun



es würdt euch zůstān das jr by bringet / das es verbotten syge. Do wöltē die widerteuffer. Ich solt es anzeigen wo jenen ein kind besünd genant würd / das getoufft wer worden. Vnd Thomas Augustinianer sagt / wo ist aber genant ein wyb mit namen das getoufft syge worden.

Wolan sagt ich / wir wöllen die gschriefft hören / vff die jr euch gründent. Dann sy vermeindten / daß in dem namen des huß nit begriffen solten werden die kinder. Vnd es geschahen wol etlich in red hin vnd hār zū beiden syten / darumb ich hinderhielt mit der red / byß sy sagten / wir hien gen dem zwinglin an. Ja warlich sprach ich / jr hand es eben erraten. Ist daß dem zwinglin an gehanget / das jr hörend / das die kiltch in dem vnkreis der welt alzt gehalten / ich solt ja euch anhangen. Es ward wytter geredt / es giengē etlich biechlin von dem touff vß / in denen vff sy gelogen würd. Do antwurt ich / Gōnd hin vñ strafft in / der es geschribē / er ist euch wol gefessen / vnd man würt euch helfen zūm rechten. Aber land vñß die gschriefft ansehen.

Do hüben sy an herfür zeziehen exempel / Act. am viij. von dem getoufften Enucho / vnd Act. am x. von Cornelio das man jnen vorhin gepredigt / vnd wo es in der gschriefft stünd vom touff / so stied es ouch alweg vō gloubē / Nun aber die kinder verstand nit die predig / noch sind des gloubens begrifflich. Ist jnen do zūantwurt worden. Das die exempel von dem Enucho vnd Cornelio / nit bewārend / das man der Christen kind nit touffen dörfte. Wir bestād das man kein alten der vernunft hat / on vnderwysung soll touffe. Aber es ist anders mit dē kinderē / die do on all eigen sünd syndt vnd unbefleckt. Vñ meister Jacob Imieli / der hüb an vñ sprach zū jnen / wir habē das die kinder Gott lieb sind / vñ das sy verheiffung haben / warumb solt man sy dan nit touffen / Als da stat Marci am x. Das dern sy das ryck der himmel. Vnd so jr an dem nit gnüg hand / vnd dise verheiffung ziehen wöltē vff die alten die sich (nach dem geheiß des herre / Matt. he. am xvij.) vnterend vñnd werden wie die kinder / so mögend jr dise verheiffung



heißung den jungen Kindern durch glauben dem herren  
fürgebracht/nit entziehen. Dann der herz sprach Marci  
am x. Laß die kindlin zu mir kumen/ vnd werend jnen  
nit/ denn semlicher ist das rich Gottes/ vnd hatt sy geher  
zigt oder vnfangen/ die hend vff sy gleit vñ sy gesegnet.  
Was solt dann hinderen/ das wir sy nit mit dem touff in  
die Christliche gemein vnd gesellschaft nemen. Glych wie  
Petrus Act. x. sprach/ mag jemand das wasser weren/ dz  
dise nit getouft werden die den helgen geist empfangen  
hand/ glych wie auch wir?

Nun bliben sy vff den redē/ jr argument lieffen sy fals  
len/ die vnseren die löstent sy nit vff/ sunder sielen von ein  
zu dem anderen. Doch do brachten sy den spruch Marci  
am letsten/ vnd lasen den text/ vnd als sy jnn gelesen/ sprac  
chen sy. Secht ir das vor statt/ das man predigen soll/ vnd  
der do gloubt vnd getouft würt/ der würt sällig/ Glou  
ben/ glauben statt vor.

Daruff erbott ich mich zuantwortē vñ sagt. Da merk  
ich wol/ das da einwer grundfest ist/ jr sallen es aber recht  
verstān/ so werdt jr vnß nit darmit zu. Man muß das  
gantz ort miteinander lesen/ so würt man vff ein rechtē  
verstand kumen/ nit in stuck wyß darvon reden/ vnd dar  
uß suchen daß einem jeden gliedt.

Es ist zweyerlei/ die gewachsen touffen/ od die kind der  
gleubigen. Den alten soll vorhin geprediget werdē/ sunst  
würden sy nimer gleübig/ vnd noch weniger lieffen sy sich  
touffen. wie es stat zum Röm. am x. Wie würt mā glou  
ben/ so man nit gehört hatt? vnd wie würt man hören/ so  
man nit predicantē hat? Aber mit den kinderē hatt es ein  
andere gestalt/ das will ich euch anzeigen vß dem büch Exo  
di. Vnd frag aber forhin. Ob die kind der Juden ouch zu  
dem volck Gottes gehört hand oder nit? vñ ob sy ouch schul  
dig vnd verpflichtet syen worden zu halten die gebott. Ich  
mein es werds nieman lenckelen. Nun lesen wir Exodi  
am xix. wie das Mose gebotten ward/ dz er solt dem volck  
Israel das gesatz sagen/ vnd er hatt es gethan/ vnd alles



volck hatt geantwurtet. Alles was der herz hatt geredt/  
das werden wir thun. Vnd also stat es ouch am xxiiij. cap:  
zum anderē mal / das sy wellē gehorsam sin/do hatt Mo-  
ses sy vnd ouch das buch / wie es in der Epistel zū den He-  
breerē stat / mit dem kalbs plüt vff dem altar geschüt / das  
volck gesprengt vnd gesprochen / das ist das blüt der ver-  
bündtniß / welche der herz mit euch gemacht vnd sich ver-  
bunden in allen disen redē. Die haben wir das Mose ge-  
predigt / ja den alten / die kind haben es nit mögen verstan-  
vñ sind aber dennoch die kind ouch in die verbindnis kum-  
men / vñ gezelt worden zū dem volck gottes. Nun haben  
die kind solche ler von iren elteren hernach glernet / vnd  
nit denzmal / das ist daruff gesagt / do Christus sagt gönd  
in alle welt / vnd predigen das Euangelium allen creatu-  
ren / wer da gloubt vñ getoufft würdt / der wirt solig wer-  
den / wer aber nit gloubt der wirt verdampft werden. Do  
haben die Apostel gethon in der welt (wie do Moses an  
berg Synai) den alten gepredigt / vnd inen ein nūw volck  
gesamlet / das glich als wol verheißung hat gehabt  
von gott / als die in der wieste. Nun ist nit zū sagen / dz der  
Christen kinder geringer geacht dann der juden kind / das  
rumb ouch die verkündig gnügsam was anfencklich / so  
sy den alten gepredigt / vnd also / das Euangelium glou-  
ben / saligmach / so man getoufft würdt / das hatt den als  
ten verkündt sollen werden / Ist darüb nit verbottē / das  
sy jr kind nit solten touffen / das wirt euch geantwurtet  
so oft jr sagt / man hab vor miessen predigen / das solches  
diene vff die alten / wyter das jr den spruch / wer do gloubt  
vnd getoufft würdt / dohin wolt ziehen / das keiner salig  
mög werden / er werd dann mit dem wasser getoufft / so  
würde es euch fälē. Item das keiner getoufft mög werde  
er gloub dan / so fält es euch ouch / darumb es ein anderen  
verstand hatt vnd hangt nit an einander / dann alle die ihe-  
ne / die do warlich gloubē / die wil sy getriben werden mit  
dem geist Christi / die sind schon inwendig getoufft / so sy  
erkennen Christum / mögen sy nit verdampft werden / dan  
Gott

*Man gloubt vnd  
taufft vñ.*



Gott miest sich selbst in ihnen verdammen. So sind auch vil die do getoufft werden / die do den glauben nit hand / vnd betriegen vns Christen vñ das wasser / vnd es ist auch den Apostelen widerfahren. Es redt auch der herr von warhaftigē glauben vñ vertruwen in gott / den 8 heilig geist lert / wan er wil / vñ nit wir menschē. Darum so hatt es die meinung. Welcher glaubt vñ getoufft würdt / dz ist / welcher ein sellichē glauben hat / dz er sich Christus nit beschēpt / vñ Christum offelich vor der welt verücht / es syg mit dem touff o8 marter oder anderer bekätniß / der würdt sällig / Der aber also glaubt daß er sich Christus wölt beschämē / hatt er by dē Euange<sup>l</sup>iste Luca gesagt / des will ich mich auch vor minem vatter beschämen. Das ist auch das der Apostel zū Rōm. gesagt. Mitt dem hertzen glaubt man zū frumkeit / aber mitt dem mund beschicht die bekätniß zū heil. Vnd haben doch sunst in aller gschrifft / das wir durch den glauben sällig werde / Do erf. ndt sich / das der touff vñ dēß nechsten willen ist. Vnd wo ein mēsch alweg in einer wiesty wār / vnd säch syn lebenlang kein mēschen / der dōrft nun keins touffs zū sällikeit / vñ hat an dē vertruwē in gott gnüg. Darum darff es des ringkles nichts / als miest der glaub vnd touff gleich mit eināder gan. Wir bestand auch nit / dz vnser touff da syg ingesetzt / dan Christus hatt syne jünger lassen touffen vor sine lōden / das da gewiß ist / dan er mer toufft dan Joannes / Die aber dan zumal getoufft wurdē / warē gar seich im gloubē / als sich wol erhüget zū der zitt der anfächtung. Vñ also erlernet man / dz m̄ dan zumal nit mer dan angefangt hatt sich zū ergebē in dieler vnd gloubē Christi. Vñ harnach han sich die gaben des geistes gem̄ret. Es ist auch ver sähe'ich / dz Judas auch getoufft hab / vñ deren etlich frum sein worden / vnd Jacobus etlich die do hinder sich geträttē hand / nit destweniger ist ein volck vereinbart worden. Vnd so dan schon auch kind getoufft weren wordē / was wāres anders? dan dz sy zūgezelt wurden den gläubigen / vñ zū dem nūwen volck gottes gehörten? zū welchen sy als lang nit

b

Capit



möchten gezelt werden / bis sy getoufft würden / ist ein  
jettlicher Christlicher vatter des gemiets gewäsen / das er  
mit allē synē gesind gezelt würd vnd den Christen. Ja sahē  
ouch mit freiden / dz jr kind im namen Christi getödt wür-  
den / ob schon solche noch nit verstād hetten der marter.  
Was bedarff es dan der zweüing vmb des wassers willen?

In dem do kam einer vß in / der wußt nit waruon wir  
redten oder geredt hätten / vnd strüssig hüß er an zū sagē.  
Er möcht wol achten waruon wir redtē / vnd vnordelich  
braucht er vilerlei wort. Es were nott götlicher wyßheit /  
vß das die eer in dem crüz / vnd das leben in dē todt gefun-  
den würd / vñ miesten vnß verleutlen vnd zū narre werdē.  
Aber sin red gieng daruff / das er vns straffen wölt / dz wir  
dentouff der beschnidung verglichē. Dan Christus der do  
beschnitten was / hatt ouch wöllen getoufft werdē. Nun  
wie wol jm hett geantwurt mögen werdē / dz Christus ein  
herz vñ sälligmacher wer beider völkter / dero die im altē /  
vñ dero die im nūwē testamēt / darüb er beide sacramēt ge-  
haltē. Die wil aber nit von der beschnidung geredte wz / vñ  
er ein vnordelich red gehalten / vñ nach vil red / vnd der an-  
deren blodert er. Er wisset nit ob sin vatter ein Christ wer  
gewäsen od gläubig. Vñ man hielt vil brenge by dē touff.

Do fragt M. Wolfgäg. Ob er ouch gloubt / dz ein Christ-  
liche gemeinsam ein zitlang här gewesen wär / do erstocket  
N. ander frag / vñ M. Wolfgäg für für. Ich gloub ja / er  
halte es syg ein Christlich gemein vñ kirch gewäsen. Wolan /  
so ist in dē touff nit d gloub dings vatters für gewēdt / aber  
mer Christlicher gemein / do verhart er in dem / das er nit  
wußt ob er gläubig eltern gehabt het. Daruff sprach Tho-  
mas der Augustiner. Weistu aber das du ouch ein vatter  
hast gehan / vnd wo her weistu es vñ gloubst es / frylich vß  
sagender anderē. Er antwertet. Ja ich weiß es / dz ich ein  
vatter hab gehan / ich weiß aber nit was er für ein gloubē  
hat gehabt / die getouffe werdē vñ touffen / die soltē ein vol  
kümē gloubē han gehapt. Ich weiß nit ob sy Christen ge-  
wegese. Ob sy scho getoufft / so habē sy doch oft gesündt.  
Nun



Nun verbinden wir vns do im touff/ vnd globen nit mer  
 zefündē. Antwort Thomas Augustinianer. So weiß ich  
 onch nit was du für ein glouben hast/ er muß je noch vns  
 vollkommen syn/ dann du wüßst gezwungen täglich zes  
 bitten/ Herr mer vns den glouben. Do hüb N. wider an  
 vnd sagt. Sy hetten macht einand zustraffen/ vnd wisten  
 sunst nit/ wölche brieder weren oder nit. Solche vnd an  
 dere red hört ich vngern/ dan welcher verständig ist/ mag  
 selbs wol erfindē/ wie so gar ongründ sy geredt syen/ doch  
 wölt nit stat sin/ vff alle ding zereden/ dan man hüb an ein  
 and nit zū hören. Doch ließ ich die wort mit lauffen. Liebē  
 es darff des widtouffs nit darzū/ wir sind es all schuldig  
 die do Christen sind. Man sieht wol das jr euch allein für  
 Christen haltend. Nun so jr vns nit für Christen haltēdt/  
 so mag ich euch onch nit für Christen halten. Der touff ist  
 ein bezeügnis mer/ dan ein verbindtnis zwischē den Chri  
 sten/ wir bezügē im touff/ das wir Christo verbundē syen.

Do sagt M. Wolfgang. Vffewer red volgt. Das/ so  
 oft einer sündt/ so miest er wider getouft werden. Aber  
 Thomas der Augustiner sprach. Lost jr eüch darüm tou  
 ffen/ das die nächsten sehen das jr getouft syen/ vñ thüt  
 oder dienet dz darzū. So jr gen Straßburg kāmē/ zū eü  
 wers glichē/ die nit gesähen hättē das jr getouft/ wölt jr  
 euch widtouffen. Do sagt jr einer. Ja. Dz verlacht Tho  
 mas vnd sprach. So würd hindenach ein baden/ wie gens  
 im Rin/ oder wie sich die Juden abweschen. Vnd dē zeigt  
 ich der brieder einem an/ ein ort in Tertulliano. Wie der  
 touff nit ein verbindung were/ vnd das Christelich leben  
 nit ein sectenwerck were/ als es miest syn/ so der touff also  
 gebrecht würd. Vnd frater Thomas sagt. Jr mögt der  
 munch nit/ aber jr hebet ein nürw munch werck an. Vñ es  
 wurden vil vnmürzer wort geredt/ der ich jetz nit gedenckē.

Es frage onch M. Wolfgang. Ob sy etwas zū geben dē  
 eüßerlichē touff. Vñ do sy antwartē/ nein. Sagt er daruff.  
 Was land jr euch dann widtouffen? Antwurten sy. Wir  
 lassen vns nit wider touffen. Man brucht onch ander



Ceremonien/ den man ouch nich zü geb / als in des herren  
nachtmal / vnd man hielt sy dannocht darumb / das sy von  
dem herren ingesert syen / sy gehören aber allein den als  
ten vnd verständigen zü / vnd sagten der kinder touff wer  
in kein touff / vnd das wer der erst touff.

Daruff sagt meister Wolfgang / Wie möcht jr sagen  
das jr nit wider getoufft / so doch eben wie jr jetz getoufft /  
also ouch danzmal. Aber M. Jacob Immeli fiel darin /  
mit sinem ersten argument / vß dem r. cap. Marci. Blyß  
wienoz vnuffglöst. Do sprach er witter zü N. Ist dann  
der kinder touff wie jr sagend kein touff / sunder üwer wis  
dertouff den ir leren vnd annemen / so sag mir. Hastu ein  
rechten glouben gehan vor dem widertouff oder nit. Hastu  
ein rechten glouben gehan / so bistu durch denn glouben  
gerechtfertiget vor gott / vñ ist dir gegen gott der widers  
touff nit notwēdig zü der sālkeit. Er ist dir ouch nit notz  
wendig gegen denn menschen / so du doch in diner kindt  
heit durch den touff / ingelibt vnd zügezelt bist der Christ  
lichen gemein noch dem willen des herren / der die kleinen  
kindlin gebenedygt hätt vnd ims geheissen zübringen / ja  
vnwirs gewāsen über syne jünger / die sy verhinderten  
züm herren zekommen. Hastu aber kein rechten glouben  
gehan vor dem widertouff / so solt mā dich je nit getoufft  
han. Ist dir dann erst im widertouff der gloub vnd geist  
Christi gegeben / so volgt vß dem / das vnser rechtfertigūg  
kümpt vß teuffen: dem üßerliche werck / vnd werden also  
gerechtfertiget / wider Paulum zü den Röm. am iij. vnd  
wider die gschrifft Genesi am xv. Abraham hatt geloubt vñ  
ward im zür grechtheit gerechnet. Also summa summa  
rū / vß eüwerē widertouffen / volgt / das keiner kein Christ  
ist / er laß sich dann widertouffen / ja ob er schon / vor dem  
widertouff warlich vß dē wort vñ gnad gottes gegloubt  
hätte in die erlösung Christi Jesu / vñ deshalb durch den  
pgloubē warlich gespyßt vñ getrēkt / wer mit dē fleisch vñ  
llüt Christi. Als es ein warhastig spyß vnd tranck der ses  
en ist. Duch Joannis vj. verheißsen. Wer myn fleisch is  
set /



200  
set/et e. der hatt das ewig leben. Es were ouch der glaub  
in den todt Christi/ mit gnügsam zu verziehung der sünd/  
sunder der widertouff handreichet ouch darzu/ vnd wür  
de erst der geist Christi darynn gegeben. Also weren alle  
getoufften in der kindtheit/ vnd in verstandenē vnd glöüs  
bigem alter nit wider getoufft/ all mit eināder verdampft  
worden/ Semlich sy ge wyt von vnß zügedencken.

Vff dieses ward/ vnordelich mancherley geredt/ vnd wi  
der die ler Pauli siel einer dem anderen in die red/ vñ was  
kein recht zühörens.

Da redet ich. Liebē/ich bitt euch/hört mich doch ouch  
eins/welches doch kam vff die drit anforderung beschach.  
Do sagt ich. Vß euwerē redē vermerck ich wol/ dz jr vnß  
nit halten für getoufft/vnd ouch nit für Christen/vnd der  
touff syge nit krefftig denn die kinder annāmen. Do wir  
vns berichten wälten lassen/ wir erfündē berichts gnüg.  
Man mag redē in zweierley gestalt von der kirchen oder  
Christē. Ein mal/wie sy erkandt würdt oder werde vor de  
ougen gottes: Zum andern/nach dem menschen vrteil.

Wann man ansāhē will / dz gēttlich erkennē vñ annemē  
zū einem Christen/mit zūsendung synes geistes/das mag  
dem touff vor vnd nach gōn. Ist doch Joannes mit dem  
geist in mütter lib getoufft/vñ vil synd lang nach dem touff  
begnadet wordē/ Nun von sēllichē mögen wir einer den  
ander gang nit vrteilen. Dan die waren Christē/die durch  
den geist geheiliget/seind Gott vnd nit vnß bekant/ vnd al  
so mögen wir niemā vrteilē/ dan der/der erkent den inne  
ren menschen/welcher inner mensch ein Christen gibt/vñ  
aber eüwer red gadt fast daruff/ dz jr also grwis wēlt syn/  
wer vor Gott sy ein grechter. Darum jr sagen/ jr wissend  
nit ob eüwer älter Christē sy gen gewāsen oder nit. Dz bes  
felcht got dem es zūstadt/ es säch ein jeder für sich selbs.  
Es sünd alweg vil vnder vnß gewāsen/ die nit vnder vnß  
sind gewāsen/wie Joannes sagt. Sy sind vß gangen vß  
vnß/vnd waren nit vß vnß.

Wann man aber ansāhen will die kirch oder Christen/



nach menschlichem vrtail/wie ouch Gott will ein kirchen  
han / vñ last radren vñ weissen vñ derein and wachsen. In  
welchen wäg / wir die all für Christen halten dz sie in 8 kir  
chen sein / so die zeichen der kirchen annemen in bekantniß  
des namens Christi. Vñ soläg sy die zeichen nit annemen /  
wie heilig sy sunst sind / halten wir sy nit für Christe. Dan  
Christus hatt also durch die sacramentlichen zeichen / im  
ein volck wöllen versamlen. Vnd wie im alten gsag / nit all  
wren des volck gottes die beschnittē waren / doch wurde  
sy all genempt vñ gestrafft als das volck gottes. Also ist  
nun der zytt. Wer do annimpt die Christlichen zeichen / den  
zelen wir für Christen / er sy glych gesund oder vngesund /  
grosses oder Kleins gloubens / vñ wer nit / den zelen wir  
nit für Christen. Vñ der Christe kind halb / wie wol wir  
gütter hoffnung seind / das gott sy geheiliget hab / ja von  
müter lyb an / je doch so zelen wir sy so lang nit in die zal  
der Christen / biß das in gott so vil gnad thut / das sy durch  
das sacrament vns in gelibt werden. Vñ ob sy schon hei  
lig / vñ gott wölt sy nit zelen vnder die kinder des zorns /  
So sollen wir doch nach den iusserlichen zeichen vrtailen /  
vñ nit nach dem heimlichen vrtail gottes. So lang sy nit  
getoufft werden / als lang tragen sie nit den nammen der  
Christen. Die wil aber die kinder werden geacht für ein  
lib / mit iren elteren / vñ gehören ganz in vätterlichen  
gewalt / oder deren / die sich jr als vätter annemen / Vñ  
die kinder rein sind / vñ ist allein das die hindernuß / das sy  
nit zu vnser versamlug gehöre / das sy nit getoufft. Vñ  
wöllen die alten / das wir jr kinder für Christen halten / so  
sollen sy stouffen lan. Vñ es hindert nit das / das kind nit  
redt noch verstat / als wol es etwan ouch in der beschnit  
dung nit hindernuß bracht / dan so sollich beschich vmb  
der nächsten willen / so sind die begnuegig. Vñ so das kind  
erwechft / vñ bekēt / das es ein Christ syg / so ist man aber  
begnuegig. Wo es aber wölt sagen / wie etlich / was gade  
es mich an? Warum hatt mich mein vätter Christen ge  
macht. es ist mir nit lieb / ich will der welt leben. Si so habē  
wir



201

wir doch ander mittel / dz wir es vffschließen. Vnd wie in  
alten gesatz / den vättern gebotten. Ire kinder vor den prie  
stern an zü klagen vñ sellicher vngesamē willen / Vñ  
das vrtail der versteinigung gehört darzū. Also ouch jez  
werden sy versteiniget mit dem wort gottes / verbädt vñ  
erkant als todt / solang / byß sy durch ein lüßfertig leben  
vmbkeren / vnd Christū bekennen. An we'cher bekantnüs /  
wir als gnüg hand / als hätte sy in güttem alter nach dem  
touff gesündt vnd gebieft. Was ligt daran / wann sy das  
zeichen empfangen / so do gegenwürtig die bekantnüs.  
Zuwer meinüg / würdt nit der weg die kirchen vffzerich  
ten / aber durch den ban vnd gemeinschaft des herze nacht  
mals / würdt der weg syn. In suma. Ich sag wie vormal  
mer. So jr die nit wölt halten für Christē / die in der jugēd  
getoufft / so mag ich euch ouch nit für Christen halten.  
Gott kēdt vñ inwēdig all. Do würdc aber vil wort von  
ein vnd anderē vnder einader gmürmet / vñ vñordens  
lich geredt. Sy kōmen wid vff die ersten red. Man solt in  
anzeigen wo die Apostel kindt getoufft hätte. So begertē  
wyr sy solten by bringen / warum der kindt touff vñ duchs  
tig wär. Dañ die wil sellicher Christlicher bruch gmāß d  
geschrifft / byß vff vns gehalten / möcht sollicher nit hin ge  
stelt werden / es wär dann hell vñ klar geschrifft da. Es  
würde in zūstan / das sy den bruch niderlegten / wir haben  
geleret das es nit gebür / die wil es wider die liebe. Vnd als  
so stündē wir vff. Sy haben aber solliches mit ges  
schrifftē noch nit angezeigt. Gott well / dz  
sy bringē / dz zū nutz dem nächsten  
vnd ere gottes.  
Amen.

Getruckt zū Basel / durch Valētinum  
Curionem / Vff den erste tag  
des Herbstmonat.  
im jar M. D. XXXV.



Faint, illegible text, likely bleed-through from the reverse side of the page.














MB 629


X2203518











Ein gelprech etlicher predicanten  
 zu Basel/ gehalten mitt etlichen  
 bekennern des wider  
 touffs.

*edit. Oecolamp.*

*1525.*

*Ms.  
319.*

